



26. august 2013

Inatsisartut Suleriaasianni § 37 naapertorlugu matumuuna imatut apeqquteqaateqassaanga:

- 1) Nunatsinni Nakorsaaneqarfiup 2010-mi ukiumoortumik nalunaaruteqarami ukiumoortumik nalunaarutinik saqqummiussaqaarsimanginneranut suna tunuliaqutaava?**
- 2) Nunatsinni Nakorsaaneqarfiup ukiumoortumik nalunaaruteqartarnerminik aallartitseqqinnissaa, 2011-mullu 2012-imullu ukiumoortumik nalunaarutit sapinngisamik ukiormanna saqqummersinneqarnissaat Naalakkersuisut qulakkeerusuppaat?**  
*(Inatsisartunut ilaasortaq Palle Christiansen, Demokraatit)*

**Tungavilersuut:**

Nunatsinni Nakorsaaneqarfik ukioq qaangiuttoq pillugu ukiumoortumik nalunaarummik saqqummersitsisarsimavoq. Ukiumoortumilli nalunaarut saqqummiunneqartoq kingulleq 2010-meerpasippoq. Ukiumoortumik nalunaarutinik kingusinnerusuklut saqqummersinneqarsimasunik Naalakkersuisut nittartagaanni nassaangilanga.

Peqqinnissaklut Nakkutilliisoqarfiup sulinera pillugu nalunaarummi 1996-imeersumi<sup>i</sup> sulilu atuuttumi § 27 naapertorlugu, Peqqinnissaklut Nakkutilliisoqarfiup (kingorna Nunatsinni Nakorsaaneqarfimmik taaguuteqalersup) ukiumoortumik nalunaaruteqarnissani pisussaaffigaa. Aalajangersakkamili Peqqinnissaqarfiup aqunneqarnera aqqissuussaanelu pillugit Inatsisartut peqqussutaanni<sup>ii</sup> siusinnerusuklut atuuttumi § 2-mut innersuussisoqarpoq, tassani aalajangersarneqarmat Naalakkersuisut innuttaasut peqqissusaat peqqinnissaqarfimmilu pissutsit pillugit Inatsisartunut ukiumoortumik nalunaaruteqartassasut. Inatsisartulli inatsisaanni 2010-meersumi maannalu atuuttumi<sup>iii</sup> assinganik aalajangersagaqanngilaq.

Taava apeqqutinngorpoq, nunatsinni nakorsaaneqarfik inatsisartut inatsisaata 2010-meersup atortuulersinneqarnerata kingorna ukiumoortumik nalunaaruteqartussaajunnaarsimanersoq, imaluunniit nunatsinni nakorsaaneqarfik nalunaarummi 1996-imeersumi § 27 naapertorlugu sulit taamatut pisussaaffeqarnerasoq?

Inatsisartut inatsisaannut 2010-meersumut inatsimmut oqaasertaliussani allassimangilaq nunatsinni nakorsaaneqarfiup ukiumoortumik nalunaaruteqartarunnaarnissaa siunertaasimasoq.

Maluginiarpara Inatsisartunut ilaasortat ilarpassuisa ukiumoortumik nalunaarutaasartut atorluartaraat. Demokraatinimi taamaaliorpugut, Inatsisartunilu sulinitsinni paasissutissat taakkunani pissarsiagut atorluartarlutigit, ilaatigut tuberkulosep akiorniarneqarnerata nukittorsarneqarnissaanut ilungersuuteqarnitsinni.

Tamannalu tungavigalugu nunatsinni nakorsaaneqarfiup ukiumoortumik nalunaaruteqartarnerata aallarteqqinneqarnissaa Naalakkersuisut qulakkeerniarlugu neriorsuuteqarumaartut neriuutigaara.

Apeqqutit tiguneqarnerinit ullut suliffiusut qulit iluanni akineqarnissara kissaatigaara.



DEMOKRAATIT  
DEMOKRATERNE

---

<sup>i</sup> Peqqinnissakkut Nakkutilliisoqarfiup sulinera pillugu Namminersornerullutik Oqartussat nalunaarutaat nr. 1, 4. januar 1996-imeersoq

<sup>ii</sup> Peqqinnissaqarfiup aqunneqarnera aqqissuussaanelu pillugit Inatsisartut peqqussutaat nr. 7, 30. oktober 1992-imeersoq

<sup>iii</sup> Peqqinnissaqarfiup aqunneqarnera, aqqissuussaanelu kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq